

اسلام آباد

ڈیجیٹل رسالو

ماہنامہ

گوجا پری

دسمبر 2023




زیر اہتمام: گوجرانٹرنیشنل سیکرٹریٹ، اسلام آباد

اس شماره ماں

صفحہ نمبر	لکھاری	عنوان
03	شائلہ چوہدری	☆ - ادارہ
05	مولانا قاری نذیر نعیمی	☆ - زکوٰۃ ادا نہ کرن کو گناہ
07	ڈاکٹر رفیق انجم	☆ - گوجری رسم الخط تے املاء
11	سید سلیم بخاری	☆ - گوجری صحافت
14	وقار صدیقی	☆ - افسانو (اڈیک)
18	عبدالرؤف کالوخیل	☆ - اتفاق مابرتکت
19	جان محمد حکیم	☆ - حمد باری تعالیٰ
19	ایاز احمد سیف	☆ - غزل
20	سراجبانی	☆ - غزل
21	شازیہ کوثر	☆ - غزل
21	زاہدہ خانم	☆ - غزل
22	عبدالقیوم بیتاب	☆ - غزل
22	عطاء اللہ شاد	☆ - غزل
23	لعل دین شاکر	☆ - غزل
23	علی جان پرواز	☆ - غزل
24	صدام صارف	☆ - غزل
24	ممتاز چوہدری	☆ - غزل
25	ہفتوازا احمد	☆ - غزل
25	تاج دین تاج	☆ - آزاد نظم
26	شائلہ چوہدری	☆ - گوجری تحقیق کوتاریخی سفر، انتخاب
29	معاذ خان گوجر	☆ - ہر بچہ واسطے ہر حق

سرپرست اعلیٰ
سردار گوجر قوم
سینیٹر چوہدری محمد جعفر اقبال
(سابق ڈپٹی اسپیکر قومی اسمبلی)



مدیر اعلیٰ
محمد رفیق شاہد



مدیرہ
شائلہ چوہدری



E-Mail: gojriadabpk@gmail.com WhatsApp: +923101878887



زیر اہتمام: گوجرانٹرنیشنل سیکرٹریٹ

مہاری گل

منگھرا دھ ہو چلیو ہے، پہاڑیا گجر اپنا باہر کا کم سامھ سیکر نغے، بیاہ شادی نیڑے لارہیا ہیں۔ بکروال کجھ راہ مکا نغے ڈیرے پچ گیا ہیں تے کجھ حالیں راہ ما ذری اڑ کیا واہ ہیں۔ سکولاں ما پڑھن آلا نکا سردیاں کی چھٹیاں نا ڈیکیں تے ماسی نذیراں موسم کی کیڈ ساڑتی رہ، کے پتو کد برف لدھ سٹے گی، سو دو پتر اندر ہونو لوڑھے۔ چاچو میر حسین ایٹکی سردی، پار تھیں کدھن کی سوچے۔ بس یوہ کجھ مہاری ریت بیت کو حصو ہے۔ جس ور کدے ہم ناز کراں تے کدے اس نابسا رگے شہری ماحول پچ ڈھل جاں۔ شہری ماحول وی مشینی چال سنگ چلے، انسان انسان کولوں کچھڑیوہ ہے اور آپو آپی پی وی ہے۔ ایسا دور ماتھارے واسطے یوہ رسالو کے پتو دل کی نہاری ثابت وے، یا اکھاں ور بوجھ وے گو۔ اس وری کا شمارہ ما کجھ گل گوجری زبان بارے کچھلی تے کجھ نویں شامل ہیں۔ جد کدے کوئے انسان کوئے نظر یو پیش کرے تے اس نا ہتھو ہتھ کوئے سمجھار انسان نہیں منتو بلکہ ثبوت منگے، اس کی حقیقت تک پہنچن واسطے زور لاوے۔ کدے مچ لکڑ لاگے وی اصل گل توڑی نہیں پچ سکتو تے کدے منشاں کی ہیر پھیر ما سارو مدعو حل ہو جے۔ مہارا جتنا لکھاڑی گزریا ہیں سارا ہی اس گل ورا تفاق کریں جے گوجری زبان قدیم زبان ہے، اس کو اصل سنسکرت ہے، اس زبان تیں اردو سمیت مچ ساریں زبان بنی ہیں جسرا بے ہریانوی، راجھستانی، رانگڑی، میواتی وغیرہ۔ تحقیق یاہ گل کہے جے علاقائی فرق سنگ اک ہی زبان کونہ تے لہجو بدل جائے۔ کشمیر مانھ بولی جان آلیں مچ ساریں زبانان کا اکٹھ ناچت پہاڑی زبان کہن آلا موجود ہیں اُتے کشمیر توں باہر انہاں کی زبانان بکھ یا اکٹھ کی صورت مانھ کشمیری زبان وی کہے چھوڑیں۔ یاہ گل جت زبانان کی پہچان مانھ مشکل کرے، اُتے مغالطو وی پیداوے۔ گوجری زبان پہاڑاں، ریگستاں، میداناں کی زبان ہے یاہ خالی کشمیر کی زبان نہیں۔ یاہ گل مہارا چیتا ماڑنی چاہیے۔ اس زبان ناں جسرا بولیو جے اسرا لکھن ما طالب علماں نا کے پتو دشواری ہوتی وے گی ور شاعراں، ادیبان ناں اصل لفظ کوروپ نہیں کھڑانو چاہیے۔ کیوں جے زبانان کو سارو رعب دبدبو ان کا لہجہ ماتھریو وہ وے۔ وے لہجہ کی خوبصورتی سنگ چچیں۔ گوجری زبان وی ایسی زبان ہے جیڑی لہجہ کی مٹھاس سنگ دلاں ماراج کرے۔

شاملہ چودھری

ضروری اطلاع

گوجری ادب رسالہ گوجری زبان و ادب کی ترویج و اشاعت واسطے کم کرن آلاں کو اپنور سالو ہے۔ مہار و مقصد غیر مطبوعہ گوجری ادب ناباندے لیا کے اس نان محفوظ کرن کے نال نال نواں لکھن آلاں کی حوصلہ افزائی کرنو ہے۔ ہر علاقہ کا اپنا اپنا لہجہ ہیں۔ اپنواپنوں کو انداز ہے ظاہری گل جیہڑ و جسرح کو لہجو استعمال کر رہیو ہے اُس کے نزدیک وہ ہی لہجو اصل ہے اس نان اپنی رہت بہت تے اپنا لہجہ نال پیار ہے۔ اس واسطے ہم کسے وی لہجہ نان نہ غلط کہن کا حقدار آں تے نہ ہی اس کی نفی کر سکاں۔ گلگت مان رہن آلاں نان کے پتو پونچھی گوجری کو لہجو کیسو ہے، اُنھاں واسطے تے ان کو لہجو ہی اصل تے ٹھیٹھ ہے۔ لہذا گوجری ادب مان شائع ہون آلی کائے وی تحریر ہو بہو اسے طرح شائع کی جائے جسرح قلم کار ہمنان ٹورے۔ اس توں علاوہ کائے وی تحریر چاہے شاعری وے یا نثر اس کی مکمل ذمہ داری لکھاری و رعاندوے گی ادارو اس کو ہرگز ذمہ دار نہیں ہو سے۔

گوجری ادب رسالہ واسطے شاعری، نثر، افسانہ، کہانیاں، لوک ادب، مضامین کی صورت مان اپنیاں غیر مطبوعہ تحریر ہمنان ہر مہینہ کی 20 تاریخ توں پہلاں پہلاں بھیج چھوڑیا کرو۔ کیونجے مہاری کوشش وے جے ہر مہینہ کا پہلا ہفتہ مان ہی گوجری ادب رسالہ تیار ہو کے تھاری بصارتاں تک پونچ جائے۔ لہذا تم گوجری مان جو کجھ وی لکھنو چاہویں بلا جھجک لکھ کے ہمنان اس پتے ورا رسال کرو، واٹس ایپ کرو یا ای میل کرو، تھاری مرضی۔

ڈاک پتو: ہاؤس نمبر 257، گلی نمبر 23، سیکڑای سیون اسلام آباد

واٹس ایپ: +923101878887 ای میل: gojriadabpk@gmail.com

زکوٰۃ ادا نہ کرن کو گناہ

زکوٰۃ شریعت مامل کو مالک بناوے، ایسا فقیر ناجیہڑ و مسلمان وے، ہاشمی نہ وے تے نہ ہی ہاشمی کو آزاد کیو وہ غلام وے، اس شرط کے نال کہ جس ناز کو ادتی گئی ہے اس کولوں کسے وی قسم کو فاندو چان کی کوشش نہ کی جائے بلکہ صرف اور صرف اللہ کا حکم کی تعمیل تے اس کی رضا کی خاطر یوہ عمل کیو جائے

زکوٰۃ ادا نہ کرن کی مذمت قرآن کی روشنی ما

اللہ تعالیٰ ارشاد فرماوے: تے خرابی ہے شرک آلاں نا، وے جیہڑا زکوٰۃ نہیں دیتا تے وے آخرت کا منکر ہیں۔

اور فرماوے: وے جیہڑا جمع کر رکھیں سونو تے چاندی تے اس نا اللہ کی راہ ما خرچ نہیں کرتا انھاں نا خوشخبری سناؤ دردناک عذاب کی جس دن وہ تپا پوجائے گو جہنم کی اگ ما فراس نال تت لایا جائیں گا ان کا متھاں، پاساں تے پشتاں ور۔ یوہ ہے وہ جیہڑو تمہیں اپنے واسطے جوڑ کے رکھیو تھو، ہن مزو چکھو اس جمع کرن کو۔ (التوبہ:-)

اللہ رب العالمین ارشاد فرماوے: اور جیہڑا بخل کریں اس چیز ما جیہڑی اللہ تعالیٰ نے انھاں نا اپنا فضل نال دتی، ہرگز اس نا اپنے واسطے چنگو نہ سمجھیں بلکہ وہ انھاں واسطے بروہے، تاو لوہی وہ جس ما بخل کیو تھو قیامت کے تھیٹڑے انھاں کا گاٹا کو طوق بن جائے گو۔ تے اللہ ہی وارث ہے آسماناں تے زمیناں کو، تے اللہ ہی تھارا کماں توں خبردار ہے۔ (آل عمران:-)

زکوٰۃ ادا نہ کرنے کی مذمت احادیث کی روشنی ما

حضرت ابو ہریرہ رضی اللہ تعالیٰ عنہ توں روایت ہے جے رسول ﷺ نے فرمایو: جس نا اللہ تعالیٰ دیتیے وہ اس کی زکوٰۃ ادا نہ کرے

اج ملک ماجیہڑ و کال، غریبی تے بے برکتی ہے شاید اس کی مچ بڑی وجہ زکوٰۃ کو مکمل طور ور ادا نہ کرنو ہے۔ زکوٰۃ مکمل ادا کرن کی وجہ کجھ وی وے۔ خواہ یاہ وجہ لاعلمی وے یعنی مسلماناں کی اکثریت نا یوہ پتوہی نہ وے جے کس حیثیت یا مال کی مقدار ور



مولانا قاری محمد زریں نجی
اسلام آباد

زکوٰۃ فرض وے یا وہ ہی مال کو نشو جیہڑو عام طور ور انسان کی نس نس ما پہریو ہے تے وہ نشو ہے مال کی محبت۔ جسرح اک شرابی بوتل چھوڑن ور تیار نہیں ہو تو اسے طرح مال کی حرص رکھن آلو صدقات واجبہ کڈھن ور آمادہ نہیں ہو تو۔

بہر حال اج دنیا ما ہم سارا اس کا سنگین نتیجہ بھگت رہیا آں تے یوہ (زکوٰۃ فرض ہون کے باوجود نہ دینو) ایسو و گھناؤنو جرم ہے جے اللہ پاک کی ناراضگی کی صورت ما زکوٰۃ نہ دین آلاں کی آخرت وی برباد ہو سکے۔ اللہ پاک اپنی پناہ مارکھے یہ دوچار کلمات زکوٰۃ نہ دین آلاں نا تنبیہ کرن واسطے لکھیا ہیں، اللہ پاک قبول فرماوے تے اس مضمون نا ایسا لوکاں کی اصلاح کو سبب بناوے آمین۔

زکوٰۃ کو لغوی معنی:

طہارت تے نمو (زیادتی) ہے۔

زکوٰۃ کی شرعی تعریف:

ہے۔ فراس شخص ناس کو راہ دسیو جائے گو، وہ راہ یاتے جنت یا فر دوزخ کو وے گو، اور جیہڑ و خزانہ کو مالک اپنا خزانہ کی زکوا ادا نہیں کر سے بروز قیامت اس کے واسطے اس خزانہ نا گنجاسپ کی صورت ما کر دتو جائے گو۔ (صحیح البخاری)

بلاشبہ حضرت صدیق اکبر رضی اللہ تعالیٰ عنہ نے منکرین زکوا کے خلاف جہاد فرمایو تے ارشاد فرمایو خدا کی قسم! کدے وے لوک میرے کولوں بکری کا بچہ ناوی روکیں گاتے جیہڑ و وے رسول اللہ ﷺ نا ادا کریں ویں تھاتے اس روکن کے سبب ہوں انھاں نال جہاد کروں گو۔ (صحیح البخاری)

سیدنا حضرت ابو ہریرہ رضی اللہ تعالیٰ عنہ فرمایو: نبی پاک ﷺ نے فرمایو: پہلا ترے شخص جیہڑ ا جہنم ما داخل ویں گا وے یہ ہیں۔ (1) (زبردستی) مسلط ہوں آلو امیر،

(2) وہ مال دار جیہڑ اپنا مال کا بارہ ما اللہ عزوجل کو حق ادا نہ کرتو وے، (3) متکبر فقیر۔ (مشکا)

اُم المؤمنین حضرت عائشہ صدیقہ رضی اللہ تعالیٰ عنہا توں روایت ہے جے رسول اللہ ﷺ نے فرمایو: "زکوا کسے مال وچوں نہیں لیھے گی، مگر اس نا ہلاک کر چھوڑے گی۔" (شعب الایمان) حضرت بریدہ رضی اللہ تعالیٰ عنہ توں روایت ہے جے رسول اللہ ﷺ نے فرمایو: "جیہڑی قوم زکوا نہیں دیسے، اللہ تعالیٰ اس نا کال کو شکار فرماوے گو۔ (المعجم الاوسط)

تے قیامت کے تہاڑے وہ مال گنجاسپ کی صورت ما کر دتو جائے گو، جس کا سرور و چھج ویں گا۔ وہ سپ اس کا گاٹا ماطوق بنا کے کہلیو جائے گو فراس کیں برا چھ پکڑے گوتے کہہ گو ہوں تیرو مال ہاں، ہوں تیرو خزانو ہاں۔

حضرت ابو ہریرہ رضی اللہ تعالیٰ عنہ توں روایت ہے جے رسول اللہ ﷺ نے فرمایو: "جس مال کی زکوا نہیں دتی گئی، قیامت کے دن وہ گنجوسپ وے گو، مالک نا نساوے گو، وہ نسے گوات توڑی جے اپنیں انگلیں اس کا منہ ماہل چھوڑے گو۔"

حضرت ابو ہریرہ رضی اللہ تعالیٰ عنہ توں روایت ہے جے رسول اللہ ﷺ نے فرمایو: "جیہڑ شخص سونا چاندی کو مالک وے تے اس کو حق ادا نہ کرے تے جد قیامت کو دن وے گو اس کے واسطے اگ کا پتر بنایا جائیں گا انھاں ورجہنم کی اگ پھنائی جائے گی تے انھاں نال اس کا پاسا، متھوتے پیٹھ داغیں جائیں گیں۔ جد ٹھنڈا ہوں وراویں گا فروسیا ہی کر دتا جائیں گا۔ یوہ معاملو اس دن کو جس کی مقدار اپنجا ہزار سال ہے ات توڑی جے بنداں کے بشکار فیصلو ہو جائے، ہن وہ اپنی راہ دیکھے گو پہاویں جنت آلے پاسے جائے یا جہنم آلے پاسے۔

فرنبی کریم ﷺ نے ارشاد فرمایو: اونٹ، گاں تے بکریاں کو جیہڑ و مالک ہے، انھاں کی زکوا ادا نہیں کر سے، اس نا قیامت کے تہاڑے اک چٹیل میدان مالٹا یو جائے گو، یہ چوپایا اس نا اپناں سینگاں نال ماریں گاتے اپناں کھراں نال گلوندیں گا۔ جد اس ورا انھاں وچوں آخری جانور گزر جائے گوتے دوبارہ پہلاں لنگن آلو جانور آ جائے گو۔ ات توڑی جے اس دن لوکاں کے بشکار فیصلو کر دتو جائے گو جس دن کی مقدار پنجا ہزار سال

گوجری رسم الخط تے املاء

(عملی حل واسطے کمیٹی سفارشات کو خلاصو)

Recommendations of Expert Committee for Uniform Gojri Script & Spelling System

Prof. (Dr) Rafique Anjum*



مندتے رہیں لیکن کجھ سکھ سفارشاں ورتاقاق نیہہ ہوسکیو۔ اس کی اک بڑی وجہ یاہ تھی جے گوجری بولن آلاں ما کوئے لسانیات کو ماہر نہیں تھو، تے لسانیات کا ماہراں ما کوئے مادری زبان کے طور گوجری بولن آلو نہیں تھو۔ یاہ صورت اجھاں وی موجود ہے لیکن، ہُن یونیورسٹی سطح کی تعلیم تے تحقیق واسطے اس مسئلہ کی اہمیت بہت بدھ گئی تھی تے اس کو عملی حل ضروری ہو گی تھو۔

اسے ضرورت کے تحت گوجری املاء کی یاہ ورکشاپ بابا غلام شاہ بادشاہ یونیورسٹی تے ٹرانسپل ریسرچ انسٹی ٹیوٹ کی ساجھے داری نان کرائی گئی جس ما کجھ علاقہ کا نامی گرامی گوجری لکھاڑی، سکالرتے زبان کا ماہراں اک خصوصی بیٹھک ما اکٹھا ہو یا۔ گوجری زبان کا پہلا یونیورسٹی چیر پروفیسر (ڈاکٹر) رفیق انجم کی صدارت ما ہون آلی اس خصوصی بیٹھک (ورک شاپ) ما جہڑا گوجری سکالرشپل ہو یا ویہہ تھا: مشہور گوجری سکالر تے کلچرل اکیڈمی کا چیف ایڈیٹر، ڈاکٹر جاوید راہی، دوردرشن سرینگر کا سابقہ ڈائریکٹر تے لغت ساز گلاب الدین طاہر، مشہور گوجری کہانی کار ڈاکٹر مرزا خان وقار، مشہور گوجری شاعر ادیب تے سابقہ ایڈیٹر محمد منشاء خاکی، مشہور ریڈیو براڈ کاسٹر تے گوجری ترجمہ نگار چودھری حسن پرواز، ضلع ڈوڈہ کا مشہور شاعر تے ادیب جان محمد حکیم، گوجری صحافت تے کالسریاں کی نمائندگی کرن آلی شازیہ چودھری تے مشہور گوجری خطاط عبدالسلام کوثری۔ یاہ بیٹھک بابا غلام شاہ بادشاہ یونیورسٹی کا گوجری پہاڑی تے کشمیری زبانوں کا صدر دفتر ما 20 تے 21 اکتوبر 2023 نا منعقد ہوئی۔ گوجری املاء کا

گوجری اک قدیم زبان ہے جس کو تعلق زبانوں کا ہند آریائی گروہ نان ہے۔ لیکن یاہ صدیاں تک گم نام رہی جس کی بڑی وجہ زمانہ کی بٹ مہری تھی۔ جدید گوجری ادب بیہویں صدی کی پیداوار ہے جس کو مرکز پلاٹھہ جموں کشمیر کی ریاست ہے۔ لیکن ہندوستان کی بارہ ریاستاں تیں علاوہ یاہ زبان شمالی پاکستان تے افغانستان ما وی بولی تے سمجھی جائے بلکہ سکولاں، کالجوں تے یونیورسٹیاں ما وی اس پر تحقیق جاری ہے۔ جموں کشمیر ما چکھلا پنجاہ سالاں کے دوران، جدید گوجری ادب کی ترقی تے بادھا واسطے شاعران ادیبوں تے تحقیق کرن آلاں کی کجھ کوششاں تیں علاوہ ریڈیو کشمیر (اجکل آل انڈیا ریڈیو) تے ریاستی کلچرل اکیڈمی کو سب توں زیادہ رول رہیو ہے۔

بھارت سرکار کی نویں ایجوکیشن پالیسی کے تحت علاقائی زبانوں کی قدر دانی کرتاں بابا غلام شاہ بادشاہ یونیورسٹی ما سال 2022 تیں ایم اے گو کورس وی شروع ہو گیو ہو ہے۔ کنیں دوجی علاقائی زبانوں ہاروں گوجری لکھن پڑھن تے تحقیق کرن آلاں نا وی جہڑا مسئلا پیش آویں ان ما اک بڑو مسئلو املاء گو ہے۔ ایک ہی طرح بولیا جان آلا لفظاں نا وی کوئے اک طرح لکھے تے کوئے دوجی طرح۔ قدیم گوجری ما کجھ لفظ الگ لکھیا جنیں تھ، تے بعد ما اردو تے پنجابی کا اثر ناں ہو تیں ہو رہا گیا۔ اس مسئلہ نا حل کرن واسطے پہلاں وی کنیں لکھاڑیاں نے تے اداراں نے کوشش کیں جہڑی فائدے

حوالے۔

4- گوجری ماہندساں کو استعمال: انگریزی، عربی، ہندی یا اردو ہندساں کا استعمال بارے بحث کرتاں کمیٹی گاسارا سا کالراس گل ورتنق ہو یا جے لکھن پڑھن آلاں نامشکل تیں، پچان واسطے، نالے گوجری کی ملکی تے بین الاقوامی پونج واسطے مناسب ہے جے گوجری ما وی انگریزی ہندساں (1,2,3.....)، اک، دو، ترے، پنج، ست، دس وغیرہ کو استعمال عام کیو جائے گو۔ اسے طرح کسے کو مقام یا پوزیشن ظاہر کرن واسطے یعنی (ah,7h) 10th.... واسطے چھیموں، ستوں، دسموں تے چھیووں، ستوں، دسوں دوئے استعمال کیا جاسکیں؛ البتہ ’م‘ کو استعمال جس راہ پنجوں، دسموں وغیرہ بہتر چھیو جائے گو۔

5- گوجری لکھن واسطے وی اردو حروف تہجی ہی استعمال کیا جائیں گا، بھانوس ویہہ اواز گوجری ماہیں یا نہیں۔ مثال کے طور، ق، ص، ظ، ض، ژ، وغیرہ کی مخصوص اواز گوجری ماہیں ہوتیں البتہ لفظاں کا مصدر گولجا نظر رکھتاں اردو کا سب حروف تہجی گوجری ما برقرار رکھیا جائیں گا۔ لہذا گوجری پٹی کی ترتیب کجھ اس طرح ہوئے گی:

ا، ب (بھ)، پ (پھ)، ت (تھ)، ٹ (ٹھ)، ث

ج (جھ)، چ (چھ)، ح، خ، د (دھ)، ڈ (ڈھ)، ذ، ر، ژ، ز

س، ش، ص، ض، ط، ظ، ع، غ، ف، ق، ک (کھ)، گ (گھ)

ل (ل)، م، ن (ن)، و، ہ، ی، اے۔

6- اس گوجری پٹی ما کجھ اجیہا حرف دی ہیں جن کی عربی تے فارسی ما کجھ بکھ اواز ہیں جد کہ گوجری ما اک ہی اواز ہے، مثال کے طور تے ط، ک تے ق، ز، ذ، ظ، ض یا س تے ص وغیرہ لیکن گوجری لغت ما عربی فارسی لفظاں کی موجودگی تے ان کا صحیح مصدر نا برقرار رکھن واسطے فیصلو ہو یو جے اسے مکمل پٹی کو استعمال گوجری ما جاری رہے گو۔

7- گوجری ماکشش آلی کجھ مخصوص اواز (Low-tone voices) ہیں جہڑی عربی، فارسی، اردو تے ہندی مانہیں ہوتیں البتہ پنجابی زبان ما موجود

سلسلہ ما قدیم گوجری ادب کا نمونا، کجھ بکھ عاقائی لچہ، گوجری تحقیق کاراں تے اداراں کی سفارشات تے گواہنڈی بولیاں کا نمونا وی سامنے رکھ کے غور ہو یو، کھل کے بحث ہوئی تے کسے اواز نا ظاہر کرن کا جتنا متبادل طریقہ تھا ان کا فائدہ نقصان سامنے رکھ کے سب تیں مناسب طریقو اپنان کو فیصلو ہو یو تے کجھ سفارشات ورتاق ہو یو جن کی تفصیل پیش ہیں:

کمیٹی سفارشات گولڈسٹری:

1- گوجری واسطے مناسب رسم الخط: جدید گوجری ادب پچھلا پنجہ سالوں تیں لے کے اردو نستعلیق (عربی فارسی) رسم الخط ما لکھیو جائے تے قدیم گوجری کا نمونا وی اسے رسم الخط ما موجود ہیں۔ گوجری لکھاڑی وی اسے سکرپٹ تیں واقف ہیں۔ گوجری لغت ما وی قدیم ہندوستانی تہذیب تے ثقافت تیں علاوہ عربی فارسی لفظاں کی کافی تعداد موجود ہے۔ لہذا کمیٹی نے متفقہ فیصلو کیو جے گوجری لکھن واسطے عربی فارسی رسم الخط (Persio-Arabic Script) یعنی اردو نستعلیق ہی مناسب ہے۔

2- ہندی یا دیوناگری رسم الخط ورتق فیصلی بحث کے دوران ثابت ہووے اس نال گوجری الملاء کا مسئلہ کافی حد تک حل ہو سکیں کیوں جے دیوناگری پٹی ما گوجری کی تقریباً ساریں اواز لکھی جاسکیں تے قدیم ہندوستانی تہذیب نال وی گوجری کو تعلق مضبوط ہو سکے۔ لیکن یاہ وی حقیقت ہے جے جدید گوجری لکھن پڑھن آلا بہتیرا لوک دیوناگری سکرپٹ تیں پوری طرحیا واقف نہیں یا آسانی نال نہیں لکھ سکتا۔ لہذا رائے کا اتفاق سنگ یوہ فیصلو ہو یو جے دیوناگری پٹی نا اضافی متبادل رسم الخط (Alternate Script) کا طور ورتق رواج ورتو جاسکے جس نال گوجری ادب کی اہم کتاب ہندی ماترجمہ کی جاسکیں تے ملکی بلکہ بین الاقوامی سطح تک وی گوجری کو دائرہ کھولیو جاسکے گو۔

3- یوہ وی متفقہ فیصلو ہو یو جے بولاں نا لفظاں کی شکل دیتاں مصدر یا root word- گولجا نظر رکھیو جائے تاں جے بول تے شکل ما توازن برقرار رہ سکے۔ مثال کے طور: اللہ غم وھالے اس راہ لکھیو جائے: اللہ گے

(Retroflex voices) اواز، ان تے ن اس راہ ظاہر کی جائیں گی۔

مثال کالوٹو، یا کون آہو ہے! وغیرہ

9- یائے مہول (ے) نا ظاہر کرن واسطے کجھ اضافی نشانی لان کی تجویز وروی غور ہو یو۔ جس طرح بے [میرا پیرا مرد ہے] نا ظاہر کرن واسطے ے کے اُپر یا پٹھ 'ہ' کو نشان لان یا سندھی کی طرز پر دو نقطہ لان کی تجویز تھی، جس نال گوجری لکھن پڑھن آلا ہورا لکھن ما پے سکیں۔ [جد کہ ہندی ما اس واسطے بکھ بکھ بگری یا دوہری ماترا موجود ہیں]۔ لہذا ساراں نے مناسب سمجھو کہ کونے نوں نشان نہ لایو جئے کیوں بے عبارت توں آپے ہی صحیح اواز دار اشارو لکھ سکے، تے وقت کے نان نال اس کی عادت ہو جئے گی۔

10- املاء کمیٹی نے پوہ وی فیصلو کیو بے قدیم گوجری ادب کا خالص لفظ جس راہ بے، نہیں، نیو تو، نین، منگھ، سپوت، وغیرہ جدید گوجری ما وی برتیا جائیں گاتے ان کی حوصلہ افزائی کی جائے گی، جس نال گوجری کی اپنی شناخت وی برقرار رہے گی تے اس گو قدیم تے قومی رشتو وی بحال ہوے گا۔ اسے طرح سال گا مہیناں کا ناں انگریزی کے نان نال دیسی (بکری) مہیناں گو رواج وی بحال کیو جائے گو، یعنی چیت، بساکھ، جیٹھ، ہاڑ، ساون، بھادرو، اسو، کتنک، منگھ، پوہ، مانہہ، پھکن وغیرہ

11- گوجری کا بکھ بکھ علاقائی لہجہ برقرار رہیں گاتے ان ما برتیا جان آلا لفظ متبادل [spelling] کے طور استعمال مارکھیا جائیں گا۔ مثال کے طور مناں، تیناں تے منجھو تنجھو، یا توں، تیں، سوں وغیرہ تے مدت کی جگہ مدہ، ہوے گو کی جگہ ہوکو وغیرہ۔ یعنی کسے اک لہجنا معیاری سمجھ کے باقی لہجا مسترد نہیں ہوئیں۔ کیوں بے اس نال کسے کمزوری کے بجائے گوجری زبان کی وسعت تے لغت کی امیری ظاہر ہوے۔

12- انگریزی کا [In/Inside] یا اردو کا 'میں' واسطے گوجری ما اج توڑی، مانہ، ماں، ماء، مانہہ تے ما جیہا کئی متبادل لفظ استعمال ہوتا رہیا ہیں جہاں سنگ نواں لکھن پڑھن آلاں نا کافی اُلکھن ہوئے۔ لہذا فیصلو ہو یو بے 'اندر' کا معنا استعمال واسطے 'ما' کو لفظ برتو جئے گو، جد کہ مانہہ (مہینہ یا

ہیں۔ یہ پنج اواز ہیں بھ (پنہ)، جھ (چنہ)، دھ (تنہ)، ڈھ (ٹنہ)، تے گھ (کنہ) گی، جس طرح بھید بھاروں، جھڑ، جھنگ، ڈھی، دھرتی، ڈھارو، تے گھوڑو، گھڑی وغیرہ۔ دل چسپ گل یاہ ہے بے یاہ اواز (Low-tone) تاں ہی نکلے کدے یہ حرف کسے لفظ کا شروع ما آویں جس راہ اُپلی مثالوں ما ظاہر ہے، تے کدے یہ حرف درمیان یا آخر ما آویں تاں ان کی اواز اپنی اصلی اواز کے قریب ہی رہے۔ جس راہ: گجھو، ادھار، سانجھ تے دُده وغیرہ۔ ان اوازاں نا ظاہر کرن واسطے کجھ گوانڈھی زبانوں ما صوتی فارمولو استعمال کیا جائیں، جس راہ تہرتی، کہوڑو، تہی وغیرہ جس کی وجہ تیں اصلی مصدر تیں دوری ہو جئے تے دو جی زبان آلاں ناوی سمجھن ما دقت ہوئے۔ لہذا پوہ فیصلو ہو یو بے (Low-tone voices) نا ظاہر کرن واسطے پنجابی کی طرز پر کچھ لکچھل اکیدی کی طرفوں رائج، بھ، جھ، دھ، ڈھ، گھ، کو استعمال ہی جاری رہے گو۔

8- ہند آریائی زبانوں ما کجھ معکوسی اواز (Retroflex voices) ہیں جس راہ، ٹ، ٹھ، ڈ، ڈھ، ڈ، وغیرہ جہاں نا ظاہر کرن واسطے اردو، شاہ مکھی پنجابی، سندھی تے سرائیکی وغیرہ ما حرف کے اُپر 'ٹ' یا 'ڈ' کی علامت استعمال ہوئے جد کہ گور مکھی تے دیوناگری ما انھاں واسطے بکھ بکھ حرف موجود ہیں۔ جد کہ گوجری ما 'ل' تے 'ن' کی اواز عام وی ہیں تے معکوسی وی جس راہ پل پل تے پان یا پانو، نان ما استعمال ہون آلاں ما فرق ہے یا نور تے نارما برتو جان آلو، ن، لو، تے کھان پین آلا، 'ن' تیں بکھ اواز دے۔ اس اواز نا ظاہر کرن واسطے کجھ تحقیق کاراں کی سفارش ور کچھ لکچھل اکیدی کا ڈکشنری بورڈ نے ل یا ن کے اُپر نکو جیہو 'v' یا 'لٹو' ۸ لان کی تجویز پاس کی تھی تے مدت توڑی استعمال ہوتی آئی ہے جد کہ کجھ لکھاڑی سرائیکی تے ہندکو کی طرز پر، 'ڑ' لان کی تجویز رکھیں جس راہ پانی لکھن واسطے پانڑی، تے ہن واسطے ہنڑ وغیرہ۔ یا گجھ لکھاڑیاں نے صرف 'ط' لان کی تجویز رکھی تھی جس راہ پانی واسطے پانڑی تے کالو واسطے کالو یا بالو واسطے باٹو جس نال دوہری اُلکھن پیدا ہو جائے۔ لہذا کمیٹی نے کچھ لکچھل اکیدی مارا نچ عمل نا جاری رکھن گو فیصلو کیو یعنی ل یا ن کے اُپر نکو جیہو 'v' یا 'لٹو' ۸ لاکے

عبارت ماہضم وی ہوجئیں تے جہاں گواستعمال عام ہوئے۔ مثال کے طور،
سیکم، ڈیوٹی، فون، کمیٹی، ممبر، پاس، فیل وغیرہ

18- کمیٹی کی متفقہ رائے کے مطابق کچھ اک عام لفظ جہاں نالکھاڑی بکھ بکھ
طریقاں نال لکھتا رہیں، انہاں نالکھن گویا صحیح طریقہ یوہ رہے گو: چودھری،
ڈاڈھو، بادھو، مونڈھو، کاڈھو، باھرو، ساھرو وغیرہ

19- دوجی زبانوں ہاروں گوجری مادی کچھ اوازاں ک دو جی سنگ اکثر اول بدل
ہوجئیں جس راہ خبرے تے خورے ما 'ب' تے 'و' یا فر بچکار تے
بشکار ما، 'ش' تے 'چ'۔ لہذا اجیہا لفظ دوئے طریقاں نال لکھن کی
اجازت ہوئے گی۔

20- گوجری عبارت ماگھٹ تیں گھٹ اعراب یازیرزبر کو استعمال کیو جائے گو
تے اس نا سہل رکھن کی کوشک کی جائے گی تاں جے لکھن پڑھن آلاں نا اس کی
عادت ہو جائے۔ البتہ جت دوجا کسے لفظ نالوں نکھیڑو کرنو ضروری ہوئے،
اُت زیرزبر، پیش لایا جاسکیں۔ مثال کے طور، پیرتے پیر، گل، کل تے
کل، یا آدمی وغیرہ۔

21- گوجری ما فارسی تے اردو آلی اضافت تے 'ن' گواستعمال اوپرو
تے چُجھن آلوہے، لہذا اس ناتج چھوڑن کی تجویز پاس ہوئی۔ مثال کے طور
' دل ناداں، برائے نام، ضرورتِ رشتہ، یا، زباں، زیاں، رواں
وغیرہ وغیرہ۔

22- آخر ما سارا کمیٹی ممبر اس گل ورتفق رہیا جے بھانویں زیادہ مسئلاں ور
بحث ہوگئی ہے تے ان اصولاں کے مطابق کنیں نواں مسئلا وی حل کیا
جاسکیں، فروی کدے کوئے نویں مشکل پیش آئی تاں کمیٹی آلاں کارابطہ تے
اتفاق نال حل کدھن کی کوشش کی جائے گی۔ (ان شاء اللہ!)

ماگھ) واسطے مخصوص رہے گو، جس راہ جے باراں مانہہ یا پوہ تیں بعد آن
آلو مانہہ گو مہینو ہوئے۔ اسے راہ 'ماں' کو لفظ ماں [mother]
واسطے خاص ہوئے گو۔ مثال کا طور، مانہہ گا پورا مہینا ما اس گی ماں بیمار
رہی۔

13- اسے طرح انگریزی کا 'to' تے اردو کا 'کو' واسطے گوجری ماہن تک
راج لفظ تھا: نا، نانہ، ناں تے نا۔ ان ساراں وبحث تیں بعد کمیٹی نے فیصلو
کیو جے اردو 'کو' کا معنی ما استعمال واسطے 'نا' استعمال ہوئے گو، مثال:
اُس نابلاؤ۔ جد کے ناں گواستعمال name/نام واسطے مخصوص رہے گو تے
دوجا دوئے طریقاں یعنی 'نا' تے 'نانہ' تجویز جئیں گا۔

14- املاء کمیٹی نے یوہ وی فیصلو کیو جے انگریزی کا Possessive
noun/belonging واسطے جہڑو 'غا'، 'کا' تے 'گا' استعمال
ہوئے؛ انہاں بچوں 'گو' تے 'گا' کو استعمال مناسب رہے گو، جد کہ
ہزاروی لہجہ گو 'کا'، 'کو' برقرار رہے گو لیکن 'غا' تے 'غی' ادبی زبان ما
استعمال نیہہ ہوئیں۔ مثال اس گوناں فرید ہے، اس گادو بھائی ہیں۔

15- اسے طرح یوہ وی فیصلو ہو یو جے 'ہے' تے 'اے' بچوں 'ہے'
کو استعمال مناسب ہے (یوہ کے ہے)؛ 'وہے' کے بجائے 'ہوئے'
(ات پہلاں گھر ہوئے تھو) وہالے کی جگہ حوالے (اللہ کے حوالے)
صحیح ہے۔

16- یوہ وی فیصلو ہو یو جے اچھوتے بچھو، نالے آویں تے آنویں
، یا بچکار تے بشکار دوئے طریقاں نال لکھن کی اجازت ہوئے گی۔

17- املاء کمیٹی ما شامل گوجری لکھاڑیاں نے یوہ وی فیصلو کیو جے گوجری ما
دوجی زبانوں کا لفظاں گواستعمال عیب نہیں بلکہ گوجری زبان ناک زندہ زبان
ثابت کرے، البتہ نواں لفظاں بچوں ویہی لفظ لیا جئیں جہڑا گوجری

گوجری صحافت۔۔۔۔۔ اک جائزو

جسراہر قوم تے زبان کا اپنا اپنا مسائل ہیں ٹھیک اسراں ہی گوجر قوم، اسکی تہذیب، ثقافت اور اس زبان کا بھی اپنا نمیکلا مسئلہ باندھے دسیں۔ جسراہر زبان ما صحافت کو سلسلو جاری وساری ہے تے ٹھیک اسراں ہی گوجری زبان ما بھی صحافت کو کم کاج آگے بدھتو جارہیو ہے۔ گوجری صحافت کو بنیادی مقصد گوجر عوام کا مسائل سرکاری اداراں تکر باندھے لیا نوتے اُن کا حل واسطے سرکار تھیں مطالبو کرنو ہے۔

جت تک گوجری صحافت کی گل ہے تے اس روایت کی شروعات ماہنامہ ”گوجرویر“ جیا رسالہ توں ہووے اس سلسلہ ما ”ویر گوجر“ نا گوجری صحافت کو پہلو رسالو مینو یا کہو جائے۔ گجھاں مورخاں کے مطابق برکت علی شمیم ہوراں کو ”مسلم گجر“ نامی رسالو گوجری صحافت کو پہلو

رسالو تھو جس ما اُس دور کا گوجراں کا مسئلہ پیش ویں تھا۔ انھاں دواں رسالاں کی تاریخ تے نیہ لکھتی کہ یہ رسالہ کہڑی تاریخ تیں چھپنا شروع ہو اور یاہ گل باندھے دسے بے انھاں رسالاں تیں گوجری صحافت کی روایت ڈھونڈی جاسکے لیکن نہ تے اسکی چھپن کی تاریخ لکھیے اور نہ ہی اسکا مدیر کو پتو چلے اس کے باوجود گجھ اک مورخ اسنا پہلو گوجری رسالو مینں وریاہ گل اجیں ادھوری ہی سئی لگے جد توڑیں اس ور کوئے مکمل کم نیہ ہو تو اس کے بارے ختمی رائے قائم کرنی بے کار تے فضول لگے۔

اس تیں بعد تاریخی سلسلو شروع ہووے۔ 1933ء ما چودھری رحمت علی کو ماہنامہ ”اب یا کبھی نہیں“ شائع ہو یو جسکی باقاعدہ چھپن کی تاریخ موجود ہے یو رسالو لکیر کے اُس پاروں یعنی لاہور تیں جاری ہو یو تھو۔ جیہڑ و فرض اس رسالہ نے بخوبی نبھا یوہ کسے اور کا حصہ ما نیہ آسکیو۔ فر 1934ء ما خدائش کٹاریہ ہوراں نے ”مشیر گوجراں“

کسے بھی معاملہ کا بارا ما تحقیق تے کھوج کر کے اسنا صوتی، بصری تے تحریری شکل دے کے بڑا پیمانہ اپر پڑھن، دیکھن تے سنن آلاں تکر پہچانو صحافت ہے۔ صحافت کا پیشہ نال جڑن آلو شخص صحافی کہو اوے۔ پرانا دور کی صحافت تے جدید دور کی صحافت ما زمی تے اتمان آلو فرق



مضمون نگار: سید سلیم بخاری
جموں و کشمیر

باندھے دسے اس کی بنیادی وجہ یاہ ہے جے ہر زمانہ تے ہر دور کا اپنا تے نمیکلا دستور اور ضابطہ ہوویں جس کے نال چلنو ضروری ہو جائے۔ انگریزی ما اس لفظ واسطے "Journalism" اردو تے گوجری ما صحافت کی اصطلاح استعمال کی جائے۔

صحافت کو پہلو تے بنیادی کم لوکاں کا مسائل سرکاراں تک پہچانو ہووے اس معاملہ ما صحافی نا بڑی دلیری تے بہادری نال عوام کا مسائل نا باندھے لیان کی ضرورت ہے۔ یوہ اک اسراں کو پیشو ہے جس ماہر کوئی شخص نیہ تک سکتو اس واسطے پہلی شرط دلیر تے بہادر ہونو لازمی ہے کیوں جے صحافیاں نا کئی باری جیل تے تھانہ کا منہ بھی تکنا پویں۔

تاریخ کی کتاباں ما لکھیو وی لکھیے جے ہر بڑا تے اہم صحافی نا کئی کئی باری جیل مارہنو پو صحافت اس حوالہ سنگ اک مشکل ترین پیشو اور فن ہے کیوں جے اُسنا حکومت تے سرکار نال ٹکر کھانی پو وے فرہی جا کے عوامی مسائل سرکار کے سامنے رکھیا جاسکیں۔ ظاہر جی گل ہے جے اسرا کا کم واسطے اک بے باک تے نڈر صحافی کو ہونو لازمی ہے۔

دنیا کی باقی زبانان آروں گوجری بھی اک پرانی زبان ہے

کرتے تھو اس کے نال نال مضمون تے کالم وی اس اخبار کو حصہ نہیں تھا۔ اس حوالہ سنگ سروری کسانہ ہوراں کی خدمتاں نا ہمیشہ واسطے یاد رکھیو جائے گو۔ سروری کسانہ کو دو جوتے اہم کارنامو ”گوجر دلش“ جیہ رسالہ ناشائے کرنو ہے جہڑو 1965ء ما اشاعت کا عمل تیں گزر یو۔ اردو تے گوجری دواں زبانان نا اس رسالہ ما شامل کیو جائے تھو۔ انہاں نے اس رسالہ کے ذریعہ گوجر قوم نا بیدار کرن ماچ ساروزور لایو یہ خود اس اخبار ما بکھرا بکھرا ناں نال اپنی تحریر قلمبند کریں ہو ویں تھا۔

گوجری صحافت کی دنیا ما ”گوجر دلش“ کی کافی اہمیت ہے اس ما خبراں کے نال نال شاعری تے نثری ادب نا شامل کیو جائے تھو چُج سارا مضامین، کالم تے خطوط بھی بکھ بکھ موقعان اپر شائع ہوتا رہیا جس ما خطوط کی وی خاصی تعداد ہے۔

1967ء ما چودھری مقبول احمد اور چودھری غلام رسول اصغر ہوراں کی ادارت ما ہفت روزہ ”حمایت“ کی اشاعت عمل ما آئی یہ اخبار جموں تیں شائع ہوتو رہیو۔ 1970ء ما چودھری طالب حسین سابقہ ریاستی وزیر تے سابقہ ایم پی ہوراں کو ہفت روزہ ”دہقان“ اس سلسلہ کی اہم کڑی ہے فر غلام سرور چوہان ہوراں نے جموں تیں 1975ء ما ”وادی گلزار“ ناں کو اخبار جاری کیو اس تیں بعد 1990ء ما کالاکوٹ تیں پہلو سالانہ رسالو ”سجرا بول“ اسرائیل اثر نے جاری کیو جس کی خاص گل یاہ ہے جے یہ سب تیں پہلو مکمل گوجری زبان ما چھپن آلور سالو تھو اس اعتبار سنگ اسکی اپنی نمیکھی اہمیت ہے۔ ”آواز گوجر“ بھی اس رستہ کی اہم کڑی ہے جہڑو مسعود چودھری ہوراں کی ادارت ما 1995ء تیں نکلنو شروع ہو یو۔

اپلیاں سطراں ما گوجری صحافت کا حوالہ سنگ جتنا بھی رسالاں کو ذکر کیو ویہ سارا رسالہ موضوع کا اعتبار سنگ گوجر قوم اور

ناں کو رسالو جاری کیو۔ الہ آباد کو ”ندائے اودھ“ تے ”اصلائے گجراں“ بھی اس کڑی ما شامل ہیں۔ 1935ء ما ہفت روزہ ”گجری کسری“ تے فر 1939ء ما چودھری غلام حسین لسانوی ہوراں نے اخبار ”الانسان“ جاری کیو جسکی ادارت مولانا محمد دین برنالوی کے ذمہ تھی یہ ریاست کو اہم رسالو تھو اس اخبار کو بنیادی مقصد گوجر قوم کی سماجی تے معاشی نا برابری نا باندھے لیا نو تھو ہور یہ سلسلو دیر تکرار گے بدھتور ہیو اس ضمن ما گجراں کی عظیم ہستیاں کو مالی تعاون اس اخبار نا حاصل رہیو اس تیں علاوہ خان بہادر مولانا فتح دین ہوراں کی سرپرستی ما ہور مولانا عبدالغفور ہوراں کی ادارت ما ”گجری گزٹ“ نامی اخبار کی اشاعت سن 1939ء ما عمل ما آئی شروع ما ”گجری گزٹ“ اک ہفتہ وار اخبار کی شکل ما شائع ہوتو رہیو بعد ما اس اخبار نے ماہنامہ کی شکل اختیار کر لی۔ یہ اخبار لدھیانہ پنجاب تیں جاری کیو گیو ہور پڑھن آلاں کا دلاں پر اس اخبار نے گہرا نقوش چھوڑیا۔

مرحوم سروری کسانہ ہوراں نے 1955ء ما ”نوائے قوم“ نامی پندرہ روزہ اخبار کی اشاعت عمل ما آئی بعد ما یہی اخبار ہفت روزہ ہو گیو تھو اس اخبار کی اشاعت جموں تیں شروع ہوئی۔ گوجر قوم کی آواز نا سرکار تک پہنچان کو اہم کم اس اخبار نے کیو تھو اس واسطے ”نوائے قوم“ کو صحافت کی دنیا ما اک خاص درجہ ہے۔ حالانکہ اس نے عام طور پر اک خاص طبقہ کی نمائندگی دراپنور۔ حجان زیادہ رکھیو ہفتہ وار ”نوائے قوم“ نے ملک تے خاص طور پر قوم کی بھر پور خدمت کی خارو گل، شعر و نغمہ، فکر و خیال، رسالہ ”نوائے قوم“ کا خاص تے مشہور کالم تھا۔ ”خارو گل“ اک طنزیہ کالم تھو جہڑو چُج شوق نال پڑھیو جائے تھو۔

اس ہفتہ وار اخبار ما صحافت کا معیار نا بالکل قائم رکھ کے خبر چھاپنی جائیں تھیں اور ہر قسم کی اطلاع توں قاری نا با خبر کیو جائے تھو۔ اس تیں علاوہ شاعراں تے ادیبان کو کلام بڑا شوق نال جگہ حاصل

آباد شائع ہو یو جس کو بنیادی مقصد گوجری زبان و ادب نافروغ دینو تھو کسے وجہ تیں اسکی اشاعت درمیان مابند ہو گئی تھی تہ ہن فراک لماعرصہ توں بعد اگست 2023ء توں دوبارہ شائع ہون لگو ہے۔ جسکا سرپرست اعلیٰ چودھری محمد جعفر اقبال، مدیر اعلیٰ محمد رفیق شاہد تے مدیرہ شائلہ چودھری ہور ہیں۔

اپنا قلیل مطالعہ کے مطابق جتنو مواد مل سکيو اس نامد نظر رکھ کے گوجری صحافت اُپر سرسری نظر مارن کی کوشش کی ہے انشاء اللہ فر کسے ویلے موقعو ملیو تے تفصیل نال جہڑی چیز اس تحریر مابہہ بیان ہو سکیں ان اپر کم کیو جائے گا اور انہاں ناضر و شامل بھی کیو جائے گا۔

مختصر یاہ گل بڑا وثوق سنگ کہی جا سکے جے جس لگن تے محنت نال گوجری زبان کا رسالہ تے اخبار شائع ہور ہی ہیں اگر اسراں ہی یوہ سلسلو اگے بدھتور ہیو تے گوجری صحافت کو مستقبل روشن تہ صاف چمکتو دسے۔

حوالے

فتح علی سروری کسانہ۔۔۔۔۔ حیات تے خدمات جموں اینڈ کشمیر اکیڈمی آف آرٹ، کلچر اینڈ لینگویجس 2017ء گوجر اور گوجری رسالو۔۔۔ جموں اینڈ کشمیر اکیڈمی آف آرٹ، کلچر اینڈ لینگویجس

گوجری صحافت ما اخباراں تے رسالاں کو کردار۔۔ مضمون مشتاق خالد چودھری

مقالہ نگار

سید سلیم علی بخاری

شعبہ گوجری، پہاڑی اور کشمیری زبانوں کا تحقیقی مرکز

بابا غلام شاہ بادشاہ یونیورسٹی راجوری

گوجری زبان تے ادب نال تعلق رکھیں جبکہ انہاں رسالاں کی زبان اردو ہی رہی ہے۔ اردو زبان کو سہار و لیتاں واں گوجر قوم کا مسائل سرکار نکر پہچانو گوجری صحافت کو بنیادی مقصد رہیو ہے۔ یاہ گل کہن ضروری سئی لگے جے اسرائیل اثر ہوراں کا رسالہ ”سجرا بول“ نا چھوڑ کے باقی ساراں رسالاں تہ اخباراں کی زبان اردو ہی تھی۔ اس تیں بعد 2003ء ما عبدالغنی کولی ہوراں کو ماہنامہ ”کوشین“ شائع ہو یو۔

5 جولائی 2018ء ما چودھری شوکت نسیم کی سرپرستی تے چودھری شبیر پسرال کی ادارت تے ہور کئی پر عظم خواتین کی سانجھ تے میل جول نال پہلو مکمل ہفتہ وار آن لائن گوجری اخبار ”روداد قوم“ منظر عام پر آیا اس اخبار کی دو اعتبار سنگ اولیت سامنے دسے اک یاہ گل ہے جے یوہ گوجری زبان کو پہلو آن لائن اخبار ہے۔ دو جی یاہ جے یوہ گوجری زبان ماہی مکمل شائع کیو جائے یعنی موضوع کے اعتبار سنگ تے یوہ گوجر قوم ناہی اپنی خاطر ما آنے بلکہ اس رسالہ ہی زبان بھی مکمل گوجری ہے۔ یاہ اس رسالہ کی نمیکلی پشان ہے اس ماشاعری، نثر، کالم، مضمون سارو کچھ شامل کیو جائے۔ گوجری زبان مالکھن تے پڑھن آلاں واسطے اک موقعو ہے جے ویہ اپنی تخلیقات اس رسالہ کے ذریعہ شائع کروا سکیں۔ گوجری زبان و ادب واسطے اس ہفتہ وار آن لائن رسالہ کی کوشش نا پہلا یونہیہ جا سکے اس رسالہ کا مدیر تہ باقی سنگی ساتھی جہڑا اس کم ماشاں ایس وے سارا مبارکباد کا مستحق ایس۔

کلیئر کے اس پار ہون آلا کم بھی اپنی جگہ اہم مقام رکھیں ظاہر جی گل ہے جے ملک تقسیم ہون تیں بعد سرحد بنڈن گئیں لیکن ادب کی کوئی سرحد نیہہ ہوتی اس اعتبار سنگ ہم یاہ گل کہہ سکاں جے گوجری زبان و ادب کو کم اُس پار بھی جاری تے ساری ہے گوجر قوم کا مسائل اُت بھی ہو ویں گا جتنا تھے کی گوجری صحافت مرکز تک پہچان کو کم کرے لگی۔ کلیئر کے اُس پار تیں 2012ء ما ماہنامہ ”گوجری ادب“ اسلام

لگیں تھا۔۔۔

ہر پاسے مایوسیاں تے دکھاں کوکھ نیہر ودھسے تھو۔ بس اس کو ہر ساہ عزیز نال ملن کی تڑف رکھے تھو۔۔۔

انگا عامر نانھ تہاڑا تے تہاڑے اپنی اماں کی مایوسی، پریشانی ہور اس کی حالت زار برداش نہیں تھی ویھے۔ ہن تے حلات ہور نازک ہوتا جا رہیا ہیں۔ عامر کی الجھناں مانھ وی باہدو ہور ہو تھو۔ ایکن پاسے نوکری کی پریشانی تے دو جی بکھی اماں کا بگڑتا حلات اس کا وس تیں وی باہر ہور ہیا تھا۔

ایکن تہاڑے شام نانھ عامر دل ہی دل مانھ یاہ گل سوچے تھو جہ اماں نانھ شہر تیں باہر لے کے کجھ عرصہ واسطے سیل کروا کے لے آں مت اللہ کرے ان کی صحت مانھ بہتری آجے۔۔۔ پتو نہیں غم تے پریشانی دور ہوئیں کی یا نہیں! چلو خیر کجھ چر توڑی چنگو محسوس کرے کی۔ اللہ کرے اس کی پریشانیاں مانھ تھوڑی مچ کی ضرور آئے کی۔ ات تے اباجی کی یاداں تے گماہنڈیاں کا طعناں نے کجھ مچ ہی ستا یو ہے۔۔۔ ہاں جی ہن تے یوہ ہی ٹھیک رہ کو۔۔۔ ہوں اپنی اماں نانھ خوش رکھوں کو۔۔۔ ہوں اس نانھ اس حال مانھ کسرے چھوڑ سکوں گو۔۔۔ آخر ہوں ہی تے اس کو سہارو ہاں۔۔۔ دل ہی دل مانھ اپنا آپ نال ہی گلاں مانھ عامر کی اکھاں بچوں اتھرواں کی گانگ چڑھ گئی۔۔۔ ہور وہ بے چارو اپنا بستر اور غش کی حالت مانھ سویر توڑی پیو رہیو۔

ٹھنڈ کو موسم شروع ہون آ لو تھو، مٹھی مٹھی ٹھنڈ نے ہوا نانھ اپنا کلاوا مانھ لینو شروع کر لیو تھو۔ حلیمہ تے عامر سویل کی چاہ پین مانھ لگا دی تھا۔ گلاں گلاں مانھ عامر اماں نانھ کہن لگو۔۔۔۔۔ اماں کیوں نانھ ہم کجھاں تہاڑاں واسطے کدے سیل واسطے چلاں۔۔۔۔۔

حلیمہ نے ٹھنڈ و ساہ پہرتاں واں۔۔۔۔۔

بچیا عامر ہوں کے کروں کی سیل ور جا کے۔۔۔ جد دل ہی سارا پاسوں مر گیو ہے تے سیل سپاٹا کو کے فائدو !!!

عامر: اماں یاہ کسر اں کی گل کریں لگی تم۔ تمناں اپنوذری وی خیال نہیں۔۔۔

عامر بے وی کی حالت مانھ حلیمہ نانھ مناتاں واں۔۔۔۔۔ مچ ساری گلاں تیں بعد حلیمہ نے وی پتو نہیں اپنا گدرا کی خوشیاں واسطے ہاں کرن ور مجبور ہو گئی۔ ہور یاہ گل بات مایوسی کا ایک تہواں مانھ بدل گئی۔۔۔۔۔

آخر ریاست تیں باہر جان کی تیاری پوری ہو گئی۔ حلیمہ نے اپنے نال روزانو کی ضروری چیزاں تیں علاوہ وہ سارو کجھ لے لیو جس کی وجہ تیں واہمیش مایوس تے پریشان رہ ویھے تھی۔

کہر تیں باہر حلیمہ کی حالت مانھ کجھ حد توڑی تبدیلی تے ضرور آئی ور مایوسی نے اس کو تچھو اجاں پوری طرح نال نہیں چھوڑیو۔ اپنا تچھڑیا ساتھی کی تڑف ہور اس نال ملن کی بے قراری اس کا منھ تیں صاف دہسے تھی۔

ات وی آ کے تہاڑا سے طرح ہی لہنگتا گیا۔

ہن عامر حلیمہ کو دل انگا انگلان کے واسطے نوئیں نوئیں سوچ سوچنی شروع کی۔

ٹھنڈ کو موسم تھو تھپ لگی وی تھی۔ عامر تے حلیمہ ایکن پارک مانھ سیل واسطے بچیا۔ پارک مانھ لوکاں کی آجانی لگی وی تھی۔ عامر حلیمہ نانھ ایکن بیچ ور بسال کے آپے باہر کھان واسطے کجھ آن گئیو۔

حلیمہ اس پہیڑ مانھ وی چپ چاپ عزیز نانھ پاگلاں ہاروں لوڑن لگی۔ پارک کی خوبصورتی تے پھلاں کی خوشبو نال وی حلیمہ ور کجھ اثر نہیں ہو یو۔ عزیز کا فراق کا تہواں مانھ کجھ دسنو حلیمہ واسطے کسے بڑی

حلیمہ کی اکھاں مانھ کلخ نیہرو پے گیو۔

حلیمہ عزیز۔۔۔۔۔ عزیز۔۔۔۔۔ کہتاں ہی پہوئیں ٹہن آلی
تھی جہ عامر نے اس نانھ اپنی باہنھواں مانھ تھم لیو۔ عامر واسطے یوہ
لمحو قیامت تیں کہٹ نیہس تھو۔ اپنا ابا، جس نانھ عامر نے بس فوٹو
مانھ ہی ہیر یو تھوجہ اس کی چھولی مانھ ایک معصوم بچہ نانھ ہیر کے وہ
حلیمہ کا متھار مٹھی ہی دیتور ہیو۔ اس کی اکھاں بچوں اتھرواں کی
گانگ چڑھ گئی۔ وہ روتو تے اچیں اچیں پیختاں واں اماں نانھ
پکارتو رہیو۔۔۔۔۔

اماں۔۔۔۔۔ اماں۔۔۔۔۔ کے ہو یو۔۔۔۔۔ اماں۔۔۔۔۔ اپنو
سر حلیمہ کا سینہ ور رکھ کے اس نانھ جگان کی کوشش مانھ لگ
گیو۔۔۔۔۔

انگا عزیز اوپراں لوکاں ہاروں معصوم بچہ نانھ چھولی مانھ لے کے ایک
پہر قعہ آلی کڑی کے نال چلیو گیو۔۔۔۔۔!!!

مشکل تیں کہٹ نیہس تھو۔۔۔۔۔ انگا عامر اماں کو دل انگا انگا لان کے
واسطے کئی کئی کھان کی چیز لوڑے تھو۔۔۔۔۔

پارک مانھ ایک معصوم بچہ کی چیخاں نے حلیمہ نانھ اپنے پاسے
موڑ یو۔ حلیمہ بچہ نانھ خاصہ چرتوڑی ہیرتی رہی۔ اس کی بے قراری مچ
ہون لگی۔ بچہ کارون نال حلیمہ ہوش تیں باہر ہون پئی۔ اس تیں
جر یونہ گیو۔ اپنا قدم معصوم بچہ داہر جان واسطے شروع کیا۔ بچو باری باری
اپنی اماں کی کڑتی کوسر و پکڑ کے کسے چیز داہر اشارو کر رہیو تھو۔ بچہ کا چان
چک ہسن تیں حلیمہ کا دل نانھ تسلی ہون لگی ہو اس نانھ اسو محسوس
ہو یو بچہ بچو اس داہر پیر پیر ٹر کے آرہیو ہے۔ ور بچہ کی اکھاں نے کجھ ہور
ہی ہیر یو تھو ہور اپنا منھ بیچوں ابا۔۔۔۔۔ ابا۔۔۔۔۔ کا لفظ کہتاں واں
تیر ہاروں حلیمہ نانھ پار کر کے اس کی اڈیک نانھ ختم کرتاں واں چکھے
اپنا ابا کی باہنھواں مانھ چھپ گیو۔ حلیمہ اجاں چکھے مڑی ہی تھی جہ چان
چاک اسو چیتو چھا گیو جسرے جے کجھ لمحہ مانھ دنیا ختم ہون آلی ہے۔

فرمان رسول اللہ ﷺ


عَنْ أَبِي هُرَيْرَةَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ
عَلَيْهِ وَسَلَّمَ قَالَ الْإِيمَانُ بِضْعٌ وَسِتُّونَ شُعْبَةً
وَالْحَيَاءُ شُعْبَةٌ مِنَ الْإِيمَانِ

حضرت ابو ہریرہ رضی اللہ عنہ توں روایت ہے جہ
خاتم النبیین ﷺ نے فرمایو: ایمان کا ستھ (60) توں
کجھ زیادہ شعبہ ہیں تے حیاء وی ایمان کو اک شعبہ ہے

(صحیح بخاری، مسلم ایمان، نسائی ایمان، ابوداؤد واہن ماجہ۔ سنت، ترمذی ایمان)



اتفاق ماہری برکت ہے



عبدالرؤف کالوخیل
مری، راولپنڈی

ہوں اس گویو سوال سن گے سمجھ گیو کہ سنگی ناں کجھ خبرنی۔
میں سوکھا حرفاں ماں پچھو تیرا دادا گوناں کے ہے۔۔۔؟؟
اس نے دادا گوناں دسیو
میں کہیو دادا گاباپ گو کیناں ہے۔۔۔؟؟
کہن لگو کوئی پتونی
اسی طرح نانا گوناں پچھو
لیکن یو سوال بھی نانا تک مک گیو
اس گل تیں اندازو ہو سکے کہ ہم لوگاں گادماغ کتنی تیزی نال بدل گیا
ہور ہم اپناں بڑاں گوناں ہی دل دماغ تیں لا بیٹھا۔
ان نکھیڑا ماں قصور مہارونی بلکہ ہمنان نکا ہوتاں جد کھیڑ بڑا
آڑ گے دیے تھا دے پہلاں ہی کہہ چھوڑے تھا بچو یا تیری واہ کھیڑ
اس گی۔
یہ گل سنتاں سنتاں آج ہم زمی کمر و مکان نوکری سیاست کھانڑ لانڑ ہر
شے ماں نکھڑ گے رہ گیا۔
ہور آج تک نکھڑ تا نکھیڑتاں ہی اپنی زندگی گی تیز گام چلاں لگا۔
جے ہم یا سوچ گے اس دنیا ماں ساہ لیاں کہ مہاری دولت
زمی گھر قوم قبیلو قبرستان سب سا نچھو ہے دے مہارا نکھیڑا کدے نی
ہوسے۔
ہمنان ہور کجھ نے دے روز دس منٹ اپنی اولاد ناں جوڑن
ہور جوڑن گی تربیت دینی ہے تاں جاگے نکھیڑی لکیر مٹے گی۔ ہور اس
نکھیڑا کا حرف ناں اپناں گھراں تیں دور کرنو ہے۔
دادوا اکثر ایک گل بولے دے تھو
بچہ رب نکھیڑی قبر بھی نہ کرے آمین

دادو گل کرے تھو کہ ہم
ساراں اتیر پتیر بھائی نال راں
تھا۔ مہاری موت مرگ سا نچھی
تھی۔ مہارا ماں کائی بیمار ہو جا تو دو جا
گاسنگ دے روٹی گو گراہ نی لہہ تھو۔
جے کسی گو کائی بہارو گم جا تھی اسنا
ڈھونڈن واسطے سارا چلے تھا اس گی
وجہ یا تھی کہ ہم نے کدے یو نکھیڑونی
کیو کہ یو نقصان اس گو ہے بلکہ یا ہی سمجھاں تھا کہ یو مہارو ہی نقصان
ہے۔ ہم نے رت گا نکھیڑا کدے نی کیا تھا۔
دادوا اکثر اپناں بڑاں گوناں لیے دے تھو ان گی گل کرے دے تھو۔
آج ہوں ایکلکا بہس گے دادا گی وے گل یاد کروں دے
منان آج گو دور ہوران گادور ماں نکھیڑو کرتاں کائی بڑی گل نی لگتی۔
آج ہم نے نکھیڑاں گی وے لکیر لائی ہے جھڑی آن ہالا دور ماں ہور
پکی ہوتی چلے گی۔
جھڑی آپت مہارا دادا ماں تھی و امہارا باباں ماں نی جھڑی مہارا
ماں ہے واکل مہاری اولاد ماں نی ہوسے۔ ہم رت گی ناسیداری گا
نکھیڑا کرتاں دوری گی اس لکیر ناں اپناں ہتھاں دے اتنو باٹو کر گیا
جس ناں مٹا نوچ اوکھو ہے۔
میں اپنا اک سنگی تیں پچھو یا رمنان ایک گل دے دس تنان
تیری اٹھ پیڑی ددھیال ہور ست پیڑی ننھیال ماں کت تک ناں یاد
ہے۔ وہ کہن لگو پہلاں یا دس یا اٹھ پیڑی ددھیال ست پیڑی ننھیال
کے وے۔۔۔؟

ایاز احمد سیف

غزل



میں تیرے سنگ دل کا رشتہ دوستا
پالیا ہیں کسرا کسرا دوستا

آیرا سے بہانے آکدے
موڑ لے جا اپنا چیتا دوستا

نہ جگا ریرو کریں گا رہن دے
کیوں پھلورے درد ستا دوستا

میرا سب ارمان سچی ہو گیا
اندرو اندری سرتا بلتا دوستا

رہ گیا ہیں سیف کے پلے چھڑا
یاد گا بھختا المبا دوستا

جان محمد حکیم

حمد باری تعالیٰ



خالق ہے کائنات گورب دو جہاں ہے وہ
پیدا کیا اسے نے ہم روزی رساں ہے وہ

ذُجَلال ہے مولا ستار ہے غفار
رحیم و کریم ہے کہ بڑو مہرباں ہے وہ

اسے گی قدرتاں گو نتیجو ہے کائنات
مالک و مختار ہی ارض و سماں ہے وہ

اس کی نظراں ماہے جگ مٹھی ما دو جہان
اوہلے ہے ہر نظر تو نظراں تو پراں ہے وہ

آزمائش ما کسے پائیے نہ جان نا
کہ آزماگے بنداں گو لیے امتحاں ہے وہ



سراجتانی، سرندر بانڈی پورہ کشمیر

غزل

ہے عین، شین، قاف توں کانات گو وجود
لحامہ وی امارہ وی تھو نفس، بدن وی تھو

بھلاں بھلاں ناں ظالم نے مٹی چٹا چھڑی
اس عشق گا بزار مانہ، یوسف حسن وی تھو

بوٹی بوٹی، کنی کنی پی کوکتی رہی
ان الحق گو معاوضو، دارو رسن ہی تھو

حکمت ہے دال لام گے بشکار گی یاہ ہتھ
جڑتی تے خبرے کے ہو تو، مسلو کٹھن وی تھو

اسن توں نکلیو تندو، اوقات بھل گیو
تانا، بانا، پونی توں کجھ پہلاں، یوہ انھ وی تھو

ہوں کے سراج پرکتھو کپڑا دکان مانہ
اڈھ پاس کسے کونا مانہ اتے کفن وی تھو

یاغی وی کجھ باغی وی کجھ، قدرے ان من وی تھو
بندو ہاں لاڈلو ہاں ہوں، اسے گو فن وی تھو

جیتو رہیو روح آس دلاسا مانہ اج توڑی
تاہم چروکتو یوہ بت مانہ دن وی تھو

سو وار شکریو تیرو لکھ وار آفریں
اے زندگی تیرو سفر خاصو کٹھن وی تھو


چرچہ مانہ، سرخیاں مانہ تے نقشہ مانہ تھو چنام
جنت مثال سیانا کہیں، میرو وطن وی تھو

کے جازو لیوں آپے کے محاسبو کروں
کوے سربانو آپنو، کوے داون وی تھو

تعب ہے! کے رواں تے پٹاس مرن گو
جیتا گو اک کنگاس تھو، اک دن مرن وی تھو

پر کیکراں؟ جان آلا مچ کجھ نال لے چلیں
اچھل بوٹا ناں دیکھو، چہکھڑ چہلن وی تھو

زاہدہ خانم



غزل

پہلاں آوے رت بندہ نا
بعد مانھ آوے مت بندہ نا

پل پل رہیے توں چکنو
بندو لاوے گت بندہ نا

غم تستیا ظالم گھیریں
غربت کرے نست بندہ نا

کاگ تے لدیں چونڈ کے لے جیں
سر ور لوڑے چھت بندہ نا

مٹھی ہو جے آکڑ خانی
لگیں جسے تت بندہ نا

وقت جے درس سکھاوے خانم
اک گا دیں ست بندہ نا

شازیہ چوہدری



غزل

کسے وی کم ما میرو کمال نہیں تے نہ سہی
میرے کول حسن تے جمال نہیں تے نہ سہی

یاہ تیری محفل ہے ات تیرو سکو چلے
گجھ وی کہن کی میری مجال نہیں تے نہ سہی

بڑی گل ہے جے گجھ لوک سوچن تے لگا
کوئے وی میرو ہم خیال نہیں تے نہ سہی

دلاں وچ اٹھیں لگا مچ سارا طوفان
کسے وی اکھ ما سوال نہیں تے نہ سہی

نیت ماتے کائے کسر میں چھوڑی نہیں
میراں روزاں گو آو شوال نہیں تے نہ سہی

بوٹا پالیا ہیں اکھاں کو نیر دے کے
میرا حصہ ما شازیہ گلال نہیں تے نہ سہی

لیکچر عطاء اللہ شاد



غزل

گزرے یا رات فراقاں گی تو بہلو بہلو آ سبنا
میں تیری خاطر لکھیا ہیں تو پڑھ کے شعر سنا سبنا

تو جس ویلے تک آسے نہیں ہوں راہیں بیس اڈیکوں گو
ان روتی سڑتی اکھاں ما تو دید گو سرمو لا سبنا

اج سینو میرو چھانی ہے پہریا ہیں داغ جدائیاں گا
تو اپنے ہتھیں زخماں پر آ بہلو مرہم لا سبنا

یوہ ہجر کو روگ اولو ہے سکھ چین نی آ تو باج ترے
یو پہار غماں گو پہارو ہے ہن میرا سرتیں چا سبنا

جت بچھڑ گیا تھا ہم اک دن واجاہ وی یاد ہے شادتناں
اس راہ پر بنجلی مار ذرا فر کائے غزل سنا سبنا

عبدالقیوم بیتاب



غزل

یار انٹوں کرلد نہ کریو
گل کائے حدوں بد نہ کریو

اپنو پلو دیکھ کے جائیو
میرا روح کی سد نہ کریو

جیہڑی مول نہ چکن ہووے
ایڈی پہاری لد نہ کریو

تہرتی کے سنگ مٹ کے رہیو
اپنو اچو قد نہ کریو

حق مناسب کہنی ہے جے
بیتاب ساہواں ہی حد نہ کریو

علی جان پرواز



غزل

جتنی گزری روتاں گزری
 اس گے ہوتیں ہوتاں گزری
 لے گے غم ہجر گی تسبیح
 رات تہیاڑی پوتاں گزری
 برتی بوٹھ ما کچی ٹہاری
 ساری رات یاہ چوتاں گزری
 چچر توڑی ساہ ما ساہ رہیو
 پہار غماں گو ٹہوتاں گزری
 پرواز دلاں گی میل نہ لتھی
 عمر ساری دھوتاں گزری

لعل دین شاکر



غزل

اس دنیا ما کون کسے کو کوڑو سب سنسار
 دھوکے باز مکار ہے ظالم دیس اج کیسں ہزار
 اس شہر کی ساری خلقت واری واری پرکھ لئی میں
 اوکھت تنگی غربت اندر سارا جیئیں موڑ مہار
 اج کل کہڑو ہتھ بٹاوے کون کسے کو درد بندھاوے
 تسبیح پڑھتا ظلم کرتا لبھیں کئی شب گزار
 جس کی خاطر لہو ڈوہلیو سو سو واری گھول گھماوے
 ویہ ہی یار سانوریا اج جیئیں وقت ور بسار
 آخر کدے اُلٹ جائے گی اس شہر کی ساری بستی
 جو گجھ اکھاں دیکھاں شاکر قیامت کا ہیں یہی آثار

ممتاز چوہدری



غزل

حسن گی مغزوریاں نے بے حسو اس نا کیو
شہرتاں مشہوریاں نے، بے حسو اس نا کیو

اس طرح پتھرتے نیس تھو، یارگو دل موم تھو
بے بسی، مجبوریاں نے، بے حسو اس نا کیو

ہم تے صدیاں گی جدائی پوٹ گے وی پاجا
چار دن گی دوریاں نے، بے حسو اس نا کیو

تیرا ہتھ گو زہر جس نا شہد لگے تھو کدے
دیکھ تیری چوریاں نے بے حسو اس نا کیو

جیب مانھ تھا چار چھلڑ تھو وہ کنتو خوش خشاں
ہا ہے رے مزدوریاں نے، بے حسو اس نا کیو

گل سناویں لوک کہ ممتاز پہلاں ٹھیک تھو
دوستاں گی دوریاں نے، بے حسو اس نا کیو

صدام صارف



غزل

اس ناں تیری یاری سو بھے
اس ناں کے سرداری سو بھے

ہم مٹی کا مٹی مھاری
ہم ناں کچی ڈاھاری سو بھے

توں درویشی لوڑے تیناں
کتوں دنیا داری سو بھے

جا کسے گی کوئے نی مرتو
اپنی اپنی باری سو بھے

ماں تیں باہج او جھلیا صارف
کھڑی چار چناری سو بھے

چوہدری تاج دین تاج



آزاد نظم

مہاری وا پہلی ملاقات نیلا سرب تلاں ما
 پھلاں کی مشک کا ہبکا راں ما ہوئی تھی جس
 ما ایک خلوص تھو، پیار تھو، تے زندگی جین
 کوچ تھو، خیالاں کولین دین تھو، ادب کا ہیلا
 تبصرہ تھا، اگے بدھن کیس امید تھیں، دلاں ما
 کئی ارمان تھا، پراج کی میری تے تھہاری یاہ
 ملاقات غربت کی چہگی ما پریشانی کا ڈل
 منڈھ، خوف کا شہر ما، تے وفا کی ہدکتی
 چہولی ما اتھراواں کا چھم ہٹھ جت اپنا
 جنواں پر میرو سر ہے ہور دونیناں کو دریا ہے۔
 جین کو آسرو دوپل ادھارو ہے، دل کیس تہڑکن
 دو طرفوں تیز ہیں، ایک پاسے ٹھٹھاتے مخول
 ہیں، دو جے پاسے گردن عزرائیل کے ہتھیں ہے،
 واہ تاج کے ملاقات ہے۔

حقنواز احمد



غزل

تیری یاداں نا پال رکھوں
 سینے لا سنبھال رکھوں
 حال اپنو بے حال رکھوں
 تیرو ہر دم خیال رکھوں
 غم ہیں ازلاں توں نال میرے
 دس نا کس رہ ہوں ٹال رکھوں
 بھر تیرا نے مار سٹیو
 ساہ ہوں کس رہ بحال رکھوں
 کہ ہے بڈیار ناز نخرو
 نیویں عاجز جی چال رکھوں
 نواز جنت گی خوشبو آوے
 ماں گی چھپری ہوں نال رکھوں

گوجری تحقیق کو تاریخی سفر

مضمون نگار: پروفیسر ڈاکٹر رفیق انجم انتخاب: شمشاد چوہدری



اشرف ندوی ہوراں نے ایسی کوشش نہیں کی بلکہ عربی تے فارسی کے نال لفظاں آلو خانووی اردو کا کھاتا ما باہن کی کوشش کی ہے۔ فروی خدا کو شکر ہے جے کتاب کا عنوان مانھ لغات گجری برقرار رکھ کے انھان نے حقیقت پسندی کو ثبوت دتو ہے۔ غالباً اس تحقیق کے وقت ندوی صاحب کا علم مایاہ گل نہیں تھی جے گوجری اج وی اک زندہ زبان ہے۔ تے اپنی اصلی حالت ماریاست جوں کشمیر ماموجود ہے۔ اٹھارویں تے اُنیویں صدی ما گوجری زبان پڑھائی لکھائی تیں محروم رہن تے کوئے مرکز نہ ہون کی وجہ تیں تحقیق کرن آلاں تیں او پلے رہی۔

اُنیویں صدی مکتاں مکتاں جد جموں کشمیر ما گوجراں کا موجود ہون تے اک الگ زبان بولن کی سُوہ انگریز کھوجیاں ناگی تے انھان نے اس قوم تے زبان تیں متعلق اپنی تحقیق شروع کر لئی۔ قوم توں متعلق تے W. Lawrence سمیت تمام تاریخ دانان نے کشمیر کی تاریخ لکھتاں گوجراں کو حوالہ ضرور دتو ہے۔ پرجد پید گوجری زبان توں متعلق تحقیق کرن آلا پہلا عالم T. Grahm Baily ہیں جنھان نے گوجری زبان کا قواعد توں متعلق اپنو بنیادی نظریو (observations) 1908 عیسوی ما شائع کیو۔ جدید گوجری ادب بیویں صدیر کی پیداوار ہے جس کو مرکز بلاشبہ جموں کشمیر کی ریاست ہے تے گوجری قواعد تیں متعلق پہلی کوشش کو سہر و گراہم بیلی کے سر جائے۔ جن کی بنیادی تحقیق تیں متاثر ہو کے سر جارج گرائسن (G. Grierson) تے گوجری قواعد (Grammatical rules) تیں علاوہ زبان کی خانہ بندی (Classification) کی وی کوشش کی گئی ہے۔ یہ تمام چیز حتمی تے نہیں کہی جاسکتیں پرجہ گرائسن کو یوہ کم گوجری توں متعلق پہلی کوشش کو درر جور کھے۔

1960ء ما شائع ہون آلی کتاب „تاریخ ادب“، ماڈاکٹر جمیل جالبی ہوراں نے قدیم گوجری ادب تیں متعلق جہڑی سنجیدہ تحقیق کی ہے اس نا

گوجری زبان کی تاریخ صدیاں پرانی ہے تے اس کا حوالہ ہندوستانی ادب ماموجود ہیں۔ پر زمانہ کی بٹ مہری نے قوم کا سپوتاں نا اس پاسے دھیان دین کی مہلت نہیں دتی تے یوہ اک اہم فرض مدتاں توں قضا ہو تو آہو ہے۔

گوجری ہندوستان کی قدیم زبانان بچوں اک زبان ہے۔ تاریخی حوالہ دیکھیا جائیں تاں گوجری کا گھر ادسویں صدی عیسوی کا ادب مانھ صاف صاف دسیں۔ ہندوستانی ادب مانھ گوجری دسویں توں لے کے اٹھارویں صدی کا شروع تک نمایاں سئی لگے۔ گوجر قوم کی تاریخ ناھ نظر مارکھ کے یاہ گل ثابت ہوئے کہ گجرات مانھ گوجراں کی حکومت کے نال ہی گوجری کی ترقی ہوئی تے فرجدا یوہ قوم حکومت چھوڑ کے جنگلاں تے پہاڑاں آ لے پاسے نسن پر مجبور ہو گئی تاں گوجری زبان تے ادب کو خرانو وی کھیروں کھیروں ہو گیو۔ تے یاہ قومی زبان نکا حلقاں ما تقسیم ہو کے رہ گئی۔ نتیجہ کا طور پر اس قومی زبان نا محض اک علاقائی زبان کا طور پر اپنی شناخت کرانی پوئے جہڑو سراسر ظلم ہے۔ ذاتی طور پر میری ساری کوشش اسے واسطے ہیں تا نچے گوجری کی قومی حیثیت تسلیم کروا کے اس کو وقار بحال کیو جاسکے۔ موجودہ دور کی زبانان بچوں اردو، ہندی، گجراتی، راجستھانی تے پنجابی زبان کی تاریخاں ما گوجری کا حوالا نمایاں طور پر درج ہیں۔ قدیم گوجری ادب کا مطالعہ توں معلوم ہوئے کہ یوہ سارا کوسارو ادب فارسی رسم الخط ما ہے تے موضوع کا اعتبار نال اس ما اسلامیات تے تصوف نمایاں ہے تے دو جے گوجری قواعد توں متعلق کسے کتاب کو حوالہ قدیم ادب ما نہیں لکھتو۔

1151 ہجری مانھ شائع ہون آلی لغات گجری جہڑی عربی، فارسی تے گوجری کی لغت ہے، اس بچوں گچھ گوجری قواعد کشید کیا جاسکیں تھا پر نجیب

آواز گرجر ماشائع ہو یوتھو جس ما گجھ بنیادی سطح کی گل تھیں۔ بعد ما، گوجری قواعد، کانا نال یاہ کتاب مظفر آباد (پاکستان) تیں 2002 ماشائع ہون کو پتو لگو ہے پراجاں تک یاہ کتاب دستیاب نہیں ہو سکی ہے اس گوجر زولیو جا سکتو۔ اس سلسلہ کی تازہ ترین کوشش ڈاکٹر رفیق انجم تے منشاخا کی ہوراں کی تحقیق، بنیادی گوجری گرائمر، کانا نال 2004 ماشائع ہوئی ہے جہدی خالص قواعد کا موضوع پر پہلی باقاعدہ کتاب ہے۔

صحیح معنوں ما گوجری زبان تے ادب ما تحقیق تے اس کی شیرازہ بندی کو کم جموں کشمیر کلچرل اکیڈمی ماں گوجری شعبو قائم ہون تیں بعد ہی شروع ہو یو۔ اکیڈمی نے ان پنجی (25) سالوں کا مختصر عرصہ ما گوجری لوک ورثہ کی ترتیب تے اشاعت تیں علاوہ لغت سازی تے جدید ادب کی شیرازہ بندی ماوی تسلی بخش کم کیو ہے تے اس سفر ما غیر سرکاری تنظیم تے شخصیات نے وی پوری نیک نیتی نال سنگ نبھایو ہے۔

جدید گوجی کانٹری ادب کو سب توں زیادہ مواد تحقیقی مقالوں کی صورت ما ہے۔ جن کی شروعات ریڈیو کے نال ہی ہوئی تے فر کلچرل اکیڈمی ما گوجری شعبو قائم ہوتاں ہی کانفرنس تے مجلسوں کو جہد و سلسلو شروع ہو یو اس ما تحقیقی مقالوں ما سب توں زیادہ اہمیت ہوئے تھی۔ گوجراں کی تاریخ تے گوجری ادب تیں متعلق تحقیقی مقالوں لکھن ہون لگا۔ تاریخی پہلو پر لکھن آلاں ما سروری کسانہ، رام پرشاد کھٹانہ، غلام حسین ضیاء، کرم دین چو پڑہ، اسد اللہ درانی، سکندر حیات طارق تے کے ڈی مینی جیہا معتبر لوک شامل تھا۔ ان حضرات نے بڑی محنت تے جہدی نال تحقیق کیں تے تاریخی حوالوں نال اپنا مضمون تیار کیا۔ جہد الج وی شیرازہ گوجری تے مہاروادب کا شماراں ما محفوظ ہیں۔ ان مقالوں ما ترتیب دے کے مستقل تاریخ مرتب کی جا سکے تھی پر پتو نہیں کیوں اس پاسے کسے مہربان نے دھیان نہیں کیو۔ فروی گجراں کا اصلی وطن، ہندوستان ما آمد، گوجر حکومتاں تے بیویں صدی کا گوجر رہنماواں تے روحانی شخصیتاں بارے مچ سوئی تحقیق ہوئی ہیں۔ گوجری لوک ادب پر تحقیقی مضمون چھاپن تیں علاوہ اکیڈمی نے لوک کہانی چھاپن کو سالانہ سلسلو جاری رکھیو وہ ہے جہد و قابل تعریف ہے۔

جموں کشمیر ما گوجری زبان تے ادب تیں متعلق سب تیں پہلی تحقیق رام پرشاد

اگ توں شائع کرن تے اس سلسلہ ناں اگے بدھان نال گوجری کا کئی مسائل حل ہو سکیں۔

اس توں بعد گوجری تخلیق تے اشاعت کو سلسلو بلیں بلیں ٹھل پیو۔ 73-1972 ما پروفیسر رام پرشاد کھٹانہ نے جموں کشمیر کا گوجراں بارے تحقیق شروع کی جس ما انھاں نے قوم کے نال نال گوجری زبان کی لسانیاتی حیثیت تے بنیادی قواعد بارے اپنا تجزیہ (Observations) آلی کتاب، گوجر، گوجری زبان و ادب، 1974 ماشائع کی۔ 1974-75 ما ڈاکٹر جگدیش چندر شرمانے گوجری زبان ما صوتیات تے قواعد بارے جموں کشمیر ما پہلی جامع، سنجیدہ تے مستند تحقیق کی جہدی بعد ما بھارتی لسانیات تیں متعلق مرکزی ادارہ (Ciil Mysore) تے، گوجری صوتیات، Gojri Phonetic Reader 1979) تے (Phonetic Reader 1979) تے (Gojri Grammar 1982) گوجری گرائمر، کی صورت ماشائع کی۔

امریکی محقق ران البرٹ (Ron Albrecht Jr.) نے بیویں صدی کا آخری دھا کا ما اس میدان ما قدم رکھیو تے ریاست جموں کشمیر کو دور کرن تیں بعد گوجری تیں متعلق اپنی تحقیق (Gojri Discourse Grammar) کی صورت ما 2000 ء ماشائع کی جس پر انھاں نا (Associated Canadian Theological School) نے لسانیات کی ماسٹر ڈگری دی۔

گوجری قواعد تیں متعلق اک کوشش وائن ای لیوسے (Wyne E. Lusey) کی ہے۔ اس امریکی محقق نے پاکستان ما بولی جان آلی گوجری قواعد تے رسم الخط کا مسئلہ (Grammar and Standardization of Gojri script) تیں متعلق اپنی تحقیق 2002 ء ماشائع کی ہے۔ جیہدی اچھاں جموں کشمیر ما کتابی صورت ما دستیاب نہیں ہو سکی پر انٹرنیٹ (Internet) پر موجود اس کتاب کا سرسری مطالعہ توں ثابت ہوئے کہ انھاں نے اس تحقیق ما محنت خلوص تے سنجیدگی نال کم کیو ہے۔ تے اس طرح آئندہ اس موضوع پر کم کرن آلا ڈاکٹر جے سی شرمانے وائن لیوسے کا ہمیشاں احسان مندر رہیں گا۔

گوجری قواعد کا موضوع پر ڈاکٹر صابر آفاقی ہواں گواک مضمون

کرن کی ذمے داری قبول کر لئی ہے۔ جن ما شامل ہیں، قدیم گوجری ادب، جدید گوجری ادب، جدید گوجری شاعری، جدید گوجری غزل، گوجری گیت، گوجری افسانہ نگاری۔ اس تاریخ کو خلاصہ نونوں ایڈیشن وی، جدید تاریخ، کاناں نال جلدی شائع کرن کی کوشش جاری ہیں۔ اس توں علاوہ وی ڈاکٹر رفیق انجم نے جدید گوجری ادب کا کئی پہلو لے کے الگ الگ کتاب وی لکھی ہیں مثلاً گوجری لکھاڑیاں بارے تضرہ آلی کتاب، لعلان کو بخارا، تیس علاوہ گوجری گرائمر، گوجری کہاو ت کوش، تے گوجری انگلش ڈکشنری تے گوجر انسائیکلو پیڈیا چھاپ کے گوجری کا تحقیق میدان ما اہم اضافہ کیا ہیں۔

اپنی ڈاکٹریٹ کا موضوع کے طور ڈاکٹر صابر مرزا، ڈاکٹر مرزا خان وقار تے ڈاکٹر جاوید راہی ہوراں نے وی گوجری زبان تے ادب کا موضوع نال چھیڑ چھاڑ کی ہے پر اس موضوع پر مستقل تے باقاعدہ مقامی پی ایچ ڈی کی شروعات کشمیر یونیورسٹی کا شعبہ اردو کا سربراہ پروفیسر قدوس جاوید ہوراں نے چوہدری پرویز احمد تے چوہدری محمد اسلم ہوراں کا تحقیق مقالان نال کروائی ہے۔ جن کا عنوان ہیں، جدید گوجری ادب پر اردو کے اثرات، اور، گوجری غزل پر اردو غزل کے اثرات، اس حقیقت پسندی تے گوجری ادب ما سنجیدہ تحقیق کی شروعات واسطے پروفیسر صاحب مبارک باد کا مستحق ہیں تے امید ہے جے گوجری تحقیق کرن آلاں کی ویہہ اسے طرح راہنمائی تے سرپرستی کرتا رہیں گا۔ اسے طرح جموں یونیورسٹی، دہلی یونیورسٹی، جواہر لعل نہرو یونیورسٹی تے لاہور یونیورسٹی تیں وی گوجری پر کئی تحقیقی کم ہوا ہیں۔ جن ما اکرم بانٹھ، غلام مصطفیٰ تے عابدہ آبی مرحوم کا کم اہم ہیں۔ پچھلا کچھ سالان ما سنٹرل یونیورسٹی آف ہما چل پردیش، یونیورسٹی آف جموں تے بابا غلام شاہ بادشاہ یونیورسٹی راجوری ما خصوصی مرکز وی قائم ہو یا ہیں تے گوجری کورس وی شروع کیا گیا ہیں۔ اللہ کرے یوہ سلسلو مناسب رفتار نال بدھتور ہے!

Golden History of Gojri Language & Literature vol 10
pp 38-44 (2007)

گوجری ادب کی سنہری تاریخ جلد 10 - 2007

کھٹانہ ہوراں نے 1972ء ما کی جہڑی، گوجر گوجری زبان و ادب، کاناں نال شائع ہوئی تھی۔ تے اس کا کچھ اک حصہ ترجمہ ہو کے شیرازہ ما شائع ہوتا رہیا ہیں۔ فر 1979ء ما ڈاکٹر جے سی شرما نے، گوجری صوتیات، تے 1982ء ما، گوجری گرائمر، لکھ کے سنجیدہ تحقیق کی بنیاد پکی کی۔ اس توں بعد پروفیسر پی این پشپ، ملکھی رام کشان، ڈاکٹر صابر آفاقی، پروفیسر یوسف حسن، فضل مشتاق، اقبال عظیم، غلام رسول آزاد، نسیم پونچھی، ڈاکٹر رفیق انجم، تے گلاب دین طاہر کا زبان تے ادب تیں متعلق چنگا تحقیق مضمون شیرازہ ما شائع ہوتا رہیا ہیں۔ اس میدان ما وی واہی کی محسوس ہوئے جے مضمون کسے ترتیب نال پڑھن یا تحقیق کرن آلاں نا میسر نہیں ہو سکتا۔

اس ویلے توڑی جدید گوجری ادب ما جن کتاباں کو حوالہ لیجھے ان ما 1966ء ما شائع ہون آلی قمر راجوری کی کتاب، گوجری ادب، کوناں آوے جس ما گوجری زبان کے متعلق اک مضمون تیں علاوہ ان کی اپنی شاعری موجود ہے۔ رام پرشاد کھٹانہ کی، گوجر، گوجری زبان و ادب، ما زبان کا لسانی پہلو پر گل ہوئی ہے جد کہ گوجری ادب بارے اس ما کچھ نہیں لکھن ہو یو۔ ڈاکٹر صابر آفاقی ہوراں نے گوجری ادب، لسانیات تے قواعد پر سنجیدہ تحقیق کی بنیاد گھلی تے چنگو خاصو کم کیو ہے پر ادب کی تاریخ مرتب نہیں ہو سکی۔ 1975ء ما شائع ہون آلی ان کی کتاب، گوجری ادب، ما گوجری شاعراں کو تذکرہ موجود ہے جہڑو پنجابی زبان ما ہے۔ ڈاکٹر غلام حسین اظہر ہوراں نا کشمیر کا علاقائی لوک ادب نال گوڑھی دلچسپی ہے تے کئی تحقیقی تے تنقیدی مضموناں توں علاوہ انھاں نے اک کتاب وی شائع کی ہے، گوجری پہاڑی لوک گیت، پروفیسر یوسف حسن ہوراں نے قدیم گوجری ادب پر سروری کسانہ ہوراں کی طرز پر چنگا مضمون لکھیا ہیں تے قدیم گوجری شاعراں کو تذکرہ اپنی کتاب، قدیم گوجری ادب، ما کیو ہے۔ پر قدیم تے جدید گوجری ادب کے بشکار لوک ادب کے ذریعے اک تسلسل پیدا کر کے گوجری زبان تے ادب کو اک خاکو ڈاکٹر رفیق انجم نے، گوجری ادب کی سنہری تاریخ، کی صورت ما 1996ء ما پہلی بار کیو تھو جیہڑی اپنی نوعیت کی پہلی کوشش تھی۔ اس کتاب ناہن ستاں جلدان ما شائع

ہر بچہ واسطے، ہر حق

پسماندگی اور استحصال کی ایک مثال ہیں۔ ہر بچہ کی فطرت محبت ہے اور انسان کی یہ فطرت ہے کہ وہ بچہ نال مچ لاڈ کرے لیکن نا جانے کیوں انسان کو یولاڈ صرف اپنا بچہ تک ہی محدود ہو جے حالانکہ بچہ تے سارا کا سانجھاویں۔


معصوم زینب ہوئے یا فرگھر یلو تشدد کی شکار ننھی رضوانہ جیڑی ایک منصف کا کھر مانھ انصاف تو محروم ہوئی یہ کہانی آئے روز ٹی وی، اخبار تے سوشل میڈیا کی زینت تے بنے لیکن چند دن تو بعد ہی منظر عام پر وغائب ہو جیں لیکن ایک سلسلو ہے جیڑو تھمونی اور وہ ہے بچاں کو استحصال۔ اس سلسلہ ماں ہر ایک والدین، حکومت، اساتذہ، ماحول، نظام تعلیم وغیرہ اپنواپنوکردار ادا کر رہی ہے۔

آئین پاکستان کو آرٹیکل 25-A کے تحت حکومت کی یہ ذمہ داری ہے کہ واہنچ تو سولہ سال کا بچہ ناں مفت تعلیم فراہم کرے گی لیکن یو آرٹیکل صرف قانون کا ان طالبعلماں کا پڑھن واسطہ رکھیو وہ ہے جیڑو اس ناں پڑھن کے قابل ہو جیں پاکسان کا کسے وی صوبہ کا ٹیکسٹ بک بورڈ کی کسے وی کتاب مانھ اس آرٹیکل کو حوالو پڑھن واسطے نی لیسے بلکہ یو اس کتاب تک ہی محدود ہے جس ناں پڑھن کو موقع صرف خوش قسمت لوکاں ناہی لبے۔

پاکستان ماں اس وقت تقریباً ڈھائی کروڑ تو زائد جبکہ آزاد کشمیر مانھ تقریباً دو لاکھ تو زائد بچہ سکولوں تو باہر ہیں۔ ایک بچو جیڑو ملازمت کر رہیو ہے وہ اس چیز کی علامت ہے کہ حکومت نا صرف بچاں نہ حقوق دین مانھ ناکام ہے بلکہ آئین کی خلاف ورزی کی وی مرتکب ہو رہی ہے۔ جسمانی تشدد توں علاوہ اس دور مانھ بچہ اپنا ہی والدین اور محترم اساتذہ کی طرفوں بدترین ذہنی تشدد کا وی شکار ہیں۔

نمبراں کی دوڑ، داخلہ کا امتحانات، بڑی نوکری کی بچپن تو ہی

20 نومبر ہر سال دنیا بھر مانھ بچہ کا عالمی دن کا طور پر منائیو جے اس سال اس دن کو تھیم "ہر بچہ واسطے، ہر حق" تھو۔ یو دن ایک ایسا ویلہ پر منائیو گیو جس ویلہ دنیا بھر مانھ بچہ کسے وی دور کا مقابلہ مانھ مچ سارا چیلنجز کا سامنو کریں لگا وا اور خاص طور پر فلسطین اور غزہ کی پٹی مانھ اس کی بدترین مثال موجود ہے۔



معاذ خان گوجر
ضلع حویلی، ناروڈ کھوٹہ

حماس اسرائیل جنگ مانھ 17 اکتوبر تو اس وقت تک تقریباً 5500 تو زائد معصوم بچا اپنا ناکردہ گناہواں کی سزا پگھتتا اپنی معصوم جاناں تو ہتھ تھو بیٹھا ہیں لیکن یو سلسلو ہالے تھمینی۔

ہر بچہ ناں زندہ رہن، تعلیم، صحت، خاندان، حفاظت، شناخت، ناں اور قومیت، اور آزادی سمیت مختلف حقوق حاصل ہیں جیڑو این الاقوامی سطح پر قابل قبول ہون کے نال نال ہر ملک کا آئین تے قانون مانھ بھی موجود ہیں جن کی فراہمی ہر بچہ کو بنیادی حق ہے۔ جنگ کے دوران وی بچاں ناں تحفظ دین واسطے بے شمار قانون موجود ہیں لیکن بد قسمتی نال ان ورنہاں ہی عمل کیو جے اور ناں ہی ان کی خلاف ورزی پر کوئی احتساب ہو رہیو ہے۔ جس کی وجہ تو یوہ تشدد تھمن کوناں نی لے رہیو اور بچاں بدترین ظلم و تشدد کو سامنو کر رہیاں۔

وا عمر جیڑی بستو چان کی ہوئے اس مانھ خاندانی غربت کو بوجھ چا کے بچو تم ناں مختلف روپاں مانھ نظر آوے گو، کدے وہ موٹر سائیکل ملکنیک نال کم کر تو، سوزو کی ٹوٹا نال کنڈ کسٹری کر تو، پٹھا ورائٹ ٹھو تو، کباڑ آلو توڑو پکڑیو کباڑ چنٹو، یا فرکھر یلو ملازمت اختیار کیا وا بچہ غربت و

مہیا کراں جیڑا اس واسطے مخصوص ہیں۔

اس ناں حوس، لالچ، باردو، نفرت کی بوتو دور رکھا جے یہی بچہ مہارو مستقبل ہیں۔ اس ویلے حکومت کی وی یہ ذمہ داری ہے کہ غریب بچاں ناں نہ صرف مفت اور غیر طبقاتی تعلیم یقینی بناوے بلکہ انکی صحت، غذا سمیت بنیادی ضرورتاں کی تکمیل واسطے وظائف مقرر کرے جیڑا سکول آن آلا بچاں ناں لیں تاکہ والدین بچاں ناں سکول مانھ داخل کرواویں۔ ایک پڑھیو لکھیو تے صحت مند بچو ہی محفوظ تے روشن مستقبل کی ضمانت ہے۔

لالچ توں علاوہ مختلف حرباں نال ذہنی تشدد کیو جے جس کی وجہ تو بچہ مانھ ڈپریشن، بلڈ پریشر، سمیت خودکشی کار حجان وی بڑھ رہیاں ہیں۔

ایک بچو فطرتاً معصوم ہے اور محبت منگے، معیاری تعلیم منگے جیڑی اس کا مستقبل ناں محفوظ بنا سکے، معیاری غذا، صحت تے فکری آزادی سمیت وے تمام صحت مند اندہ سرگرمی جیڑی اس کی ذہنی تے جسمانی نشوونما مانھ اہم کردار ادا کر سکیں، لیکن غیر شعور مند ہون کی وجہ تو وہ ان ناں جانتو نہیں لیکن محبت کو ادراک کر سکے تے آفر بچاں ناں محبت نال وے تمام حقوق

وَمَا أَرْسَلْنَاكَ إِلَّا رَحْمَةً لِّلْعَالَمِينَ

(اے محمد صلی اللہ علیہ وسلم) ہم نے تمناں ساراں جاناں

واسطے رحمت (بنا کے) ٹوریو ہے!

﴿سورۃ الانبیاء، 107﴾



فرمانِ مصطفیٰ صلی اللہ علیہ وسلم

جج تے عمر و محتاجی تے گناہواں ناں اسرح دور کریں جسرح بھٹی
لوہا تے چاندی تے سونا کا میل ناں دور کرے تے جج مبرور کو
ثواب جنت ہی ہے۔

(بہار شریعت ج اس ۱۰۳۲ احوالہ جامع الترمذی، الحدیث : ۸۱۰، ج ۲۱۸۲)